


Bára Stefánsdóttir

***Ársskýrsla Héraðsskjalasafns
Austfirðinga
2015***



Sigfús Sigfússon (1855-1935) þjóðsagnasafnari við skriftir á Seyðisfirði. Í tilefni af því að 160 ár voru liðin frá fæðingu Sigfúsar var sett upp sýning um hann í Safnahúsinu.

október 2016

Efnisyfirlit

| | |
|--------------------------------------------------|----|
| Stjórn og aðalfundur..... | 2 |
| Starfsfólk..... | 3 |
| Rekstur | 4 |
| Húsnæði..... | 5 |
| Móttaka skjala, gesta og erinda | 6 |
| Afhent skjöl..... | 6 |
| Gestir og fyrirspurnir | 6 |
| Ráðstefnur, fundir og námskeið..... | 7 |
| Sýningar, kynningar- og útgáfustarf..... | 8 |
| Ljósmyndasafn Austurlands | 10 |
| Verkefni um skönnun og skráningu ljósmynda | 10 |
| Ljósmyndavefur..... | 10 |
| Bókasafn Halldórs og Önnu Guðnýjar | 11 |
| Skrá yfir afhendingar á árinu 2015 | |

Stjórn og aðalfundur

Aðalfundur Héraðsskjalasafns Austfirðinga var haldinn á Breiðdalsvík 25. nóvember 2015. Fundinn sóttu fulltrúar aðildarsveitarfélaganna, auk stjórnar, forstöðumanns og fundarstjóra á vegum gestgjafa. Fulltrúar sveitarfélaga á aðalfundinum voru:

| | |
|--------------------------|---------------------------|
| Borgarfjarðarhreppur: | enginn fulltrúi |
| Breiðdalshreppur: | Anna Margrét Birgisdóttir |
| Djúpavogshreppur: | Þorbjörg Sandholt |
| Fjarðabyggð: | Dýrunn Pála Skaftadóttir |
| Fljótshérað: | Óðinn Gunnar Óðinsson |
| Fljótshreppur: | enginn fulltrúi |
| Seyðisfjarðarkaupstaður: | Jónína Brá Árnadóttir |
| Vopnafjarðarhreppur: | Sigríður Bragadóttir |

Núverandi stjórn var kosin á aðalfundi SSA 20. september 2014. Í henni sitja:

Fljótshérað, Fljótshreppur, Borgarfjarðarhreppur: Ragnhildur Rós Indriðadóttir (aðalmaður), Þórður Mar Þorsteinsson (til vara).

Fjarðabyggð: Björn Hafþór Guðmundsson (aðalmaður), Elvar Jónsson (til vara).

Djúpavogshreppur, Breiðdalshreppur, Seyðisfjarðarkaupstaður, Vopnafjarðarhreppur: Ólafur B. Valgeirsson (aðalmaður), Þorbjörg Sandholt (til vara).

Ólafur er formaður stjórnar, Ragnhildur er varaformaður og Hafþór meðstjórnandi.

Þrjár stjórnarfundir voru haldnar á árinu 2015: 28. maí, 8. júlí og 25. nóvember. Auk þess var fundað um Safnahúsið 11. desember 2015.¹



Stjórn 1. janúar 2012 - 6. nóvember 2014
Ragnildur, Ólafur og Pétur



Stjórn frá 6. nóvember 2014
Ragnhildur, Ólafur og Hafþór ásamt Báru

¹ Fundargerðir eru aftar í þessari ársskýrslu og á vef safnsins: www.heraust.is.

Starfsfólk

Fastráðnir starfsmenn Héraðsskjalasafnsins voru þrír. Bára Stefánsdóttir forstöðumaður í 100% starfi og Magnhildur Björnsdóttir skjalavörður í 80% starfi. Arndís Þorvaldsdóttir var í 20% starfi frá janúar-apríl og frá september-deember.

Verkefni um skönnun, skráningu og birtingu ljósmynda á netinu hélt áfram á árinu. Við það unnu: Jóhanna Ingibjörg Sveinsdóttir 50% starf allt árið við skráningu, Ólöf Sæunn Valgarðsdóttir 100% starfi við skönnun og vefumsjón í 8 mánuði, Kolbrún Eva Ríkharðsdóttir skráning mynda í 3 mánuði og Martyna Manuela Reimus skönnun mynda í 2,5 mánuði, báðar í samvinnu við Vinnumálastofnun.

María Sverrisdóttir, menntaskólanemi, flokkaði og gerði lista yfir jólakort í eigu safnsins um sumarið, ásamt aðstoðarmanni og í samvinnu við Félagspjónustu Fljótsdalshéraðs.



Starfskonur í Safnahúsinu á Egilsstöðum í kaffikrók sumarið 2015.

Frá Héraðsskjalasafni: Magnhildur, Skotta, Arndís og Inga (vinnur líka á bókasafni).

Frá Bókasafni Héraðsbúa: Jóhanna Hafliðadóttir.

Frá Minjasafni Austurlands: Beata Fabian, Edda Björnsdóttir, Rannveig Haraldsdóttir, Unnur Karlsdóttir.

Á myndina vantar Júlíu Jónsdóttur á Minjasafni og Báru á Héraðsskjalasafni sem tók myndina.

Rekstur

Framlög aðildarsveitarfélaga til reksturs safnsins voru 19 millj. kr. á árinu 2015. Önnur rekstrarframlög (framlag frá ríkinu og framlög Minjasafns Austurlands og SSA til Ljósmyndasafns Austurlands) voru 1,9 millj. Styrkir og aðrar tekjur voru 8,3 millj.

Rekstrartekjur ársins 2015 námu 29,4 millj. en fjárhagsáætlun gerði ráð fyrir 21,9 millj. Mismunurinn liggur helst í framlagi íslenska ríkisins (5 millj.) til ljósmyndaverkefnis. Útseld vinna var 1,5 millj. en áætlun gerði ekki ráð fyrir neinum slíkum tekjum.

Rekstrargjöld ársins 2015 námu 35,5 millj. en fjárhagsáætlun gerði ráð fyrir 27,8 millj. Laun og launatengd gjöld voru 21,1 millj. sem er 7,7 millj. hærra en gert var ráð fyrir. Þar vegur mest til hækkunar launakostnaðurs vegna ljósmyndaverkefnisins sem var ekki gert ráð fyrir í fjárhagsáætlun þar sem óljóst var hvort fjárveiting fengist í verkið. Framlög til bókasafns Halldórs og Önnu Guðnýjar og til skjalasafnsins í Neskaupstað voru alls 2,7 millj. Annar rekstrarkostnaður var 9,4 millj. en áætlun hljóðaði upp á 9,2 millj.

Niðurstaða rekstrarreiknings Héraðsskjalasafns Austfirðinga fyrir árið 2015 er því rekstrartap uppá 6,1 millj. kr., þar af eru 5,8 millj. vegna reiknaðrar húsaleigu í Safnahúsi og 308 þús. kr. vegna breytinga á áföllnu orlofi. Ekki varð tap af hefðbundnum rekstri.

Handbært fé var 2,2 millj. kr. í ársbyrjun en 2,7 millj. í árslok og lækkaði því um 0,4 millj. milli árana 2014 og 2015.

Nánari upplýsingar um rekstur Héraðsskjalasafns Austfirðinga bs. eru í ársreikningi.

Húsnæði

Á aukaaðalafundi Héraðsskjalasafns Austfirðinga 30. janúar 2014 samþykktu fulltrúar aðildarsveitarfélaga kaup Fljótsdalshéraðs á hlut Héraðsskjalasafnsins í Safnahúsinu. Samningur þar um var undirritaður á fundinum, sem og langtíma leigusamningur þar sem Fljótsdalshérað leigði Héraðsskjalasafninu aðstöðu í Safnahúsinu. Með þessum samningi var allt viðhald hússins komið á eina hendi og skuldbatt Fljótsdalshérað sig til að leggja fram 30 milljónir á næstu tveimur árum til að bregðast við bráðri þörf í þeim efnum.

Í nóvember 2015 barst stjórn Héraðsskjalasafnsins bréf frá Fljótsdalshéraði um skuldbindingu sveitarfélagsins vegna Safnahússins. Þar kom fram að ekki hafi verið unnið að fullu í samræmi við upprunalega viðhalds- og endurbótaáætlun. Framkvæmdum við þak yfir munageymslu hafi verið frestað þar til komið væri í ljós hvort mögulegt yrði að ráðast í framkvæmdir við nýja burst í stað þaks. Þess var vænst að niðurstöður lægju fyrir fljótlega á árinu 2016 og yrði ráðist í þennan hluta framkvæmda á árunum 2016 og 2017. Bæjarráð leitaði eftir samþykki fyrir breyttum framkvæmdatíma.

11. desember 2015 héldu Héraðsskjalasafnið og Minjasafn Austurland sameiginlegan fund þar sem erindið var rætt. Á fundinum voru Ólafur, Ragnhildur og Bára frá Héraðsskjalasafni en Marianna Jóhannsdóttir og Elsa Guðný Björgvinsdóttir frá Minjasafni. Fulltrúar Fljótsdalshéraðs, Björn Ingimarsson bæjarstjóri og Gunnar Jónsson formaður bæjarráðs, sátu fundinn undir 2. lið dagskrár. Þeir kynntu yfirlit yfir endurbætur í Safnahúsi 2014-2015 og greindu frá viðræðum við ríkið um fjárveitingu til að klára að byggja burst 2. Eftirfarandi bókun var samþykkt af af fulltrúum Minjasafns og Héraðsskjalasafns:

Fundurinn fagnar áformum um að ráðist verði í að ljúka við burst 2 í Safnahúsinu og leggur áherslu á að húsnæðið verði fullklárað og komist í notkun fyrir árslok 2017.

Fundurinn samþykkir að framkvæmdatími vegna samnings um 30 millj. kr. framlag til endurbóta og viðhalds á árunum 2014-2015 verði framlengdur til áranna 2016-2017. Þó með fyrirvara um að hve miklu leyti hann hefur verið uppfylltur fram að þessu sbr. Viðhaldsáætlun Fljótsdalshéraðs 2014-2015 sem vísað er til í kaupsamningi dags. 30.1.2014. Því óskar fundurinn eftir nánari sundurliðun á útgjaldaliðum vegna viðhalds og endurbóta í Safnahúsi á árinum 2014 og 2015.

Farið er fram á að sem fyrst verði brugðist við lekavanda í húsinu óháð því hvenær ráðist verði í að klára burst 2. Auk þess verði loftræsikerfi hreinsað sem fyrst enda ógnar ástandið heilsu starfsfólks og gesta.

Umbeðin sundurliðun barst ekki fyrr en í júlí 2016 en loftræstikerfið var hreinsað það ár. Fljótsdalshérað, sem eini eigandi Safnahússins, eða verktaki á þeirra vegum sá um eftirlit í húsinu og tilfallandi viðhald á árinu 2015 enda segir í bókun aukaaðalfundar að framlög annarra sveitarfélaga „ná einungis til reksturs safnsins og undir það falli einungis sá húsnæðiskostnaður sem snýr að hita og rafmagni.“

Ráðstefnur, fundir og námskeið

Árlegur fundur héraðsskjalasafna og Þjóðskjalasafns Íslands var haldinn í Reykjavík 16. apríl 2015. Bára sat fundinn en í lok dagskrár var opnuð samskrá yfir einkaskjalasöfn á Íslandi á vefnum www.einkaskjalasafn.is. Héraðsskjalasafnið er þátttakandi í verkefningu.

Arndís fór á farskóla Félags íslenskra safna og safnmanna á Höfn í Hornafirði dagana 16.-18. september. Magnhildur og Bára sátu ráðstefnu Félags héraðsskjalavarða á Íslandi fyrir starfsmenn héraðsskjalasafna í safnahúsinu á Húsvík 1.-2. október. Bára sat auk þess aðalfund félagsins á sama stað 1. október. Á fundinum voru meðal annars tilnefndir fulltrúar í samráðshópa með Þjóðskjalasafni Íslands. Bára og Sólborg Una Pálsdóttir Héraðsskjalasafni Skagfirðinga tóku að sér að vera í samráðshópi um skráningarkerfið Lísu sem er í þróun hjá Þjóðskjalasafni. Enginn fundur var þó boðaður á árinu 2015.

Bára sat í starfshópi Fljótsdalshéraðs sem stóð fyrir málþinginu *Konur í stjórnámálum – reynsla og lærdómur*. Þingið var haldið á Hótel Héraði 6. nóvember.



Þátttakendur á ráðstefnu skjalavarða á Húsvík.

Sýningar, kynningar- og útgáfustarf

Í tilefni af 100 ára afmæli kosningaréttar kvenna á Íslandi var farandsýning frá Landsbókasafni Íslands – Háskólabókasafni um kvennabaráttu og þróun kosningaréttar hengd upp í stigagangi. Héraðsskjalasöfnin í landinu í samvinnu við Handritasafn Landsbókasafns, Kvennasögusafn Íslands og Þjóðskjalasafn Íslands kölluðu eftir skjölum kvenna af sama tilefni.

*Hélt mamma dagbók?
Var amma skúffuskáld?
Eru bréf langömmu
í geymslunni?*

**100 | KOSNINGARÉTTUR
ÁRA | KVENNA Á ÍSLANDI**


Soroptomistaklúbbur Austurlands stóð fyrir þrjónagöngu á Egilsstöðum á kvenréttindadaginn 19. júní. Henni var ætlað að heiðra minningu formæðranna sem aldrei féll verk úr hendi og gengu þrjónandi á milli bæja. Gangan endaði í Safnahúsinu þar sem þátttakendur skoðuðu ýmis skjöl um sögu kvenna á Austurlandi sem búið var að draga fram úr skjalageymslu í tilefni dagsins. Auk þess var hægt að skoða spjöld um austfirsku kvenljósmyndara sem voru sett upp árið 2014. Á milli 45-50 mættu.

31. október var opnuð sýning í tilefni af því að 160 ár voru liðin frá fæðingu Sigfúsar Sigfússonar þjóðsagnaritara frá Eyvindará. Sýningin, sem var samstarfsverkefni Héraðsskjalasafns, Minjasafns Austurlands og Bókasafns Héraðsbúa, var opnuð í lok Sigfúsarvöku þar sem fjallað var um ævi Sigfúsar auk þess sem þjóðsögur, sagnir og ljóð úr safni hans voru flutt á fjölbreyttan hátt. Á sýningunni voru veggspjöld um lífsstarf Sigfúsar, ljósmyndir af honum, skjöl með rithönd Sigfúsar og í tölvu var hægt að skoða kort af Austurlandi og hlusta á þjóðsögur frá völdum töldum. Verkefnið var styrkt af Alcoa Fjarðaáli og Ússuhópnum.



Rúmlega 40 gestir mættu á Sigfúsarvöku og opnun sýningar um hann.

Sú nýbreytni var tekin upp að lána sýningarþjöld sem höfðu lokið hlutverki sínu í Safnahúsinu til sveitarfélaga sem höfðu áhuga á að setja þau upp í sínum húsakynnum. Þjöld um kvenljósmyndara voru höfð til sýnis á Haustroða á Seyðisfirði í nóvember en fóru þaðan í félagsheimili aldraðra á Djúpavogi.



Norræni skjaladagurinn var 14. nóvember. Umfjöllun um Sigfús Sigfússon þjóðsagnaritara var framlag Héraðsskjalasafnsins á vefnum skjaladagur.is undir titlinum *Þrautseigja án takmarka*. Þjóðskjalasafn Íslands sér um vefinn er fleiri leggja til efni.

Um 35 gestir mættu á árlega bókavöku sem var haldin í Safnahúsinu 26. nóvember í góðri samvinnu Héraðsskjalasafns, Bókasafns Héraðsbúa og Minjasafns Austurlands. Að venju var áherslan á austfirsku útgáfu og bækur eftir höfunda sem búsettir eru í fjórðungnum. Nokkrir höfundar og þýðendur mættu og lásu úr bókum sínum en starfsfólk sá einnig um upplestur.

Jóla kort ársins 2015 var helgað Evu Hjálmaradóttur rithöfundu. Eva fæddist í Stakkahlíð í Loðmundarfirði 16. nóvember 1905. Um 10 ára aldur veiktist hún af flogaveiki og eftir því sem árunum fjölgaði versnaði heilsa hennar svo að hún gat stundum ekki stigið í fætur eða komið hugverkum sínum á blað nema með aðstoð. Erfið veikindi náðu þó ekki að buga sálarþrek hennar. Þrátt fyrir allt var „gaman að lifa“ eins og kemur fram í einum bókartitli eftir hana. Eva andaðist í Víðihlíð 16. júlí 1962. Eftir hana liggja bækur og tímaritsgreinar en ljóð eftir hana hafa auk þess ratað á hljómplötur.



Eva Hjálmaradóttir
frá Stakkahlíð

Ljósmyndasafn Austurlands

Ljósmyndasafn Austurlands er sérstök deild innan Héraðsskjalasafns Austfirðinga og rekið með framlagi frá Sambandi sveitarfélaga á Austurlandi, Minjasafni Austurlands og Héraðsskjalasafni Austfirðinga. Myndasöfnin spanna allt frá mannmyndum teknum fyrir aldamótin 1900 til fréttu- og íþróttamynda frá síðari helmingi 20. aldar.

Ýmsir aðilar hafa aðstoðað starfsfólk safnsins við að bera kennsl á fólk og staði á ljósmyndum. Óþekktar myndir hafa einnig verið birtar í *Austurglugganum* og oft fást upplýsingar um nöfn með því móti.

Verkefni um skönnun og skráningu ljósmynda

Í janúar 2015 var endurnýjaður samstarfssamningur milli Héraðsskjalasafns Austfirðinga, Héraðsskjalasafns Árnesinga og Héraðsskjalasafns Skagfirðinga um skönnun og skráningu á ljósmyndum í þeirra eigu. Meginfjárveiting til verkefnisins kom af fjárlögum (15 millj. sem skiptust jafnt milli safnanna). Fljótsdalshérad styrkti verkefnið um 800 þúsund á árinu 2015, Borgarfjarðarhreppur um 250 þúsund og Seyðisfjarðarkaupstaður um 70 þúsund.

Á árinu 2015 voru skannaðar 10.738 myndir og 6.470 þeirra mynda voru skráðar. Samtals er búið að skanna 81.203 myndir og skrá 68.809 myndir frá því að verkefnið hófst 2011. Myndirnar eru skráðar ítarlegar en gert hefur verið í eldri skrá, meðal annars er lögð mikil vinna í að finna fæðingarár einstaklinga.

Ljósmyndavefur

Ljósmyndavefur á slóðinni myndir.heraust.is var opnaður 28. maí 2014. Á vefnum voru þá um 55 þúsund myndir. Í árslok 2015 voru komnar um 68 þúsund myndir á vefinn.

Bókasafn Halldórs og Önnu Guðnýjar

Árið 2015 bættust 142 titlar við bókasafnið. Um er að ræða bækur sem keyptar voru af rekstrarfé safnsins (framlög skv. stofnsamningi Héraðsskjalasafns) en einnig berast safninu ýmsar bókagjafir. Aðfangalistann má sjá á vefsíðu safnsins og hægt er að leita í bókakosti safnsins á vefnum leitir.is. Heildarfjöldi titla í lok árs 2015 var 11.380.

Bókasafninu tilheyrir einnig veglegt safn gamalla og nýrra tímarita, sum þeirra innbundin, alls um 500 titlar. Enn bætist við tímaritakostinn því um 40 titlar eru í áskrift.

Á árinu voru lánaðar út 117 bækur en ýmsar bækur eru ekki til útláns og eru afnot af þeim á lestrarsal. Auk þess nýtist bókakosturinn starfsfólki Héraðsskjalasafnsins afar vel í daglegum störfum, t.d. við skráningu skjala og ljósmynda en ekki síður við sýningargerð og til að geta svarað fyrirspurnum frá utanaðkomandi aðilum.

Héraðsskjalasafnið hefur markað sér þá stefnu að einskorða innkaup við fræðilegt efni, einkum á sviðum sagnfræði, félagssögu og ættfræði. Einnig er reynt að kaupa allar bækur sem fjalla um Austurland og bækur sem eru eftir Austfirðinga. Bókasafn Halldórs og Önnu Guðnýjar hefur því á undanförunum árum verið byggt upp sem rannsóknar-bókasafn með sérhæfðari safnkost en almenningsbókasöfn. Gott samstarf er við almenningsbókasöfnin á svæðinu og þegar óskir berast þar um eru bækur frá Héraðsskjalasafninu sendar í millisafnalán og gagnast þær því fólki um allt Austurland.

Skrá yfir afhendingar á árinu 2015

| Afh.ár | Nr. | Heiti safns | Afhendingaraðili | Innihald |
|--------|-----|------------------------------------------------------------------------|--------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 2015 | 1 | Ása Hafliðadóttir frá Ögri, síðar í Rauðholti | Sævar Sigbjarnarson | Vefnaðarbók, handskrifuð bók um vefnað og litun. Rituð í Húsmæðraskólanum á Staðarfelli í Dölum veturinn 1961-1962. |
| 2015 | 2 | Hjaltastaðahreppur | Sævar Sigbjarnarson | 6 staðfræðikort og 29 loftmyndir af Héraði. Afréttarmál í Útmannasveit 2007. Bréf og ljósrit varðandi endurskoðun landamerkjalaga 1998. Hraundalur, ýmis gögn. Bréfasafn, 4 vasabækur, minningabók frá Eiðaskóla. Heillaskeyti til Sigbjörns og Önnu í Rauðholti 1968 og 1972. |
| 2015 | 3 | Heilbrigðiseftirlit Austurlands | Heilbrigðiseftirlit Austurlands | Fyrirtæki á starfssvæði HAUST. Gögn um eftirlit og starfsleyfi 1986 - 2013. |
| 2015 | 4 | Jón Jónsson, Eiríksstöðum Jökuldal | Páll Pálsson, Aðalbóli | Vasakver eða minnisbók Jóns á Eiríksstöðum. Einnig laust blað með handskrifuðu kvæði. Í meðfylgjandi greinargerð frá Páli kemur fram eftir hvaða leiðum handritið kom til hans. |
| 2015 | 5 | Hallormsstaðaskóli | Fljótsdalshérað / Helga Guðmundsdóttir fræðslufulltrúi | Upptökum af árshátíðum og öðru starfi Hallormsstaðaskóla á árunum 1986 - 2014. Yfirfært á DVD diska sumarið 2014 og afhent í möppu með 41 diskum. Listi yfir innihald fylgir. |
| 2015 | 6 | Ræktunarsamband (félag) Breiðdals og Beruneshrepps / Sigurður Lárusson | Hrafnkell Lárusson | Gögn frá Ræktunarsambandi Breiðdals- og Beruneshrepps; bréf, reikningar, minnisbækur o.fl. Kemur úr búi Sigurðar Lárussonar frá Gilsá, fyrsta formanns Ræktunarsambandsins. |
| 2015 | 7 | Ferðafélag Fljótsdalshéraðs | Þórhallur Þorsteinsson | Ljósmyndir af byggingasögu allra skála í eigu Ferðafélagsins, afhent á minnislykli. |
| 2015 | 8 | Gunnar Guttormsson | Gunnar Guttormsson | Sendir 3 myndir sem tengjast Hallormsstað með tölvupósti ásamt upplýsingum. |
| 2015 | 9 | Friðrik Jónsson | Minjasafn Austurlands | Þættir um innflutning búfjár og karakúlsjúkdóma 1947. Tímarit iðnaðarmanna 1928. |
| 2015 | 10 | Sigfús Sigfússon | Margrét Pétursdóttir | Bréf frá Sigfúsi Sigfússyni til Margrétar Pétursdóttur frá árinu 1924. |
| 2015 | 11 | Sýslumaðurinn Seyðisfirði | Sýsluskrifstofa á Egilsstöðum | 11 skjalabækur: Kjörbók Tunguhrepps 1907-1997. Kjörbók Tunguhrepps - Kirkjubæjarkjördeild 1908-1996. Kjörbók Tunguhrepps - Rangárkjördeild 1942-1974. Úttektarbók Tunguhrepps 1909-1994. Uppskrifa- og uppboðsbók Tunguhrepps 1951-1983. Hreppstjórabók Tunguhrepps 1951-1980. Kjörbók Skriðdalshrepps 1933-1999. Kjörbók fyrir Egilsstaðakjördeild 1949-1999. Framtalsbók fyrir Eiðahrepp 1943-1969. Sýslumaðurinn Seyðisfirði utankjörfundaratkvæði Egilsstöðum 1998-2012. Sýslumaðurinn Eskifirði utankjörfundaratkvæði Egilsstaðahr. 1987-2014. |

| | | | | |
|------|----|----------------------------------------------------------------------------|-----------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 2015 | 12 | Jón Benedikt Guðlaugsson | Helgi Hallgrímsson | Samantekt Jóns B. Guðlaugssonar á gögnum úr fórum Eiríks Eiríkssonar frá Dagverðargerði um Sigfús Sigfússon þjóðsagnaritara og kveðskap hans. |
| 2015 | 13 | Elín Kröyer | Elín Kröyer | Skólaspjöld frá Eiðum 1926-1927, 1927-1928. Skólaspjald frá meiraprófi bifreiðastjóra á Akureyri 1947. |
| 2015 | 14 | Guttormur Metúsalemsson | Guttormur Metúsalemsson | 1 mynd, vitkort þekkt. |
| 2015 | 15 | Ásdís Jóhannsdóttir | Ásdís Jóhannsdóttir | Handrit að efni á Þorrablóti Þinghátta 2015 ásamt upptöku. |
| 2015 | 16 | Fiskifélagsdeild Eskifjarðar & Safnastofnun Austurlands / Hilmar Bjarnason | Sigurborg Hilmarsdóttir | Eskifjarðardeild Fiskifélags Íslands: Fundargerðabók 15.9. 1983 - 14.10. 1993. Meðlimaskrá 1919 -1933. Sjóðbók 1919 - 1920. Bréf, skýrslur, fylgiskjöl o.fl. Safnastofnun Austurlands: Afrit af fundargerðum, skýrslur, greinargerðir, bréf o.fl. 1971 - 1987. |
| 2015 | 17 | Fljótsdalshérað | Fljótsdalshérað | Þrjár fundargerðabækur 2014: 1. Bæjarstjórn. 2. Bæjarráð - Atvinnumálanefnd. 3. Afgreiðslufundur byggingafulltrúa, Skipulags- og mannvirkjanefnd, Fræðslunefnd, Skólanefnd Hallormsstaðaskóla, Umhverfis- og héraðsnefnd, Menningar- og íþróttanefnd, Félagsmálanefnd, Ungmennaráð, Endurmenntunarsjóður. |
| 2015 | 18 | Framsóknarfélag Fljótsdalshrepps / Fljótsdalshreppur | Friðrik Ingólfsson | Fundargjörðabók Framsóknarfélags Fljótsdalshrepps 23.3.1944 - 24.8.1962. Skýrsla um fjártölu í Fljótsdal árið 1919 á lausu blaði. |
| 2015 | 19 | Ari Jónsson og Sigríður Þórarinsdóttir | Erna Aradóttir | Kveðjuljóð til læknishjónanna Ara Jónssonar og Sigríðar Þórarinsdóttur. Flutt í kveðjusamsæti í Egilsstaðaskógi 17. sept. 1960. Höf: Jón Sigfússon. |
| 2015 | 20 | Stefanía Eyjólfsdóttir | Stefanía Steinþórsdóttir | Tvær ljósmyndir. Skólamynd frá Húsmæðraskólanum á Hallormsstað 1962-1963 og mynd af konu, óþekkt. |
| 2015 | 21 | Gyða Vigfúsdóttir | Gyða Vigfúsdóttir | Hallfreðarstaðir í Hróarstungu, grunnmynd af gamla bænum. Verkfræðistofan Hönnun 1969. |
| 2015 | 22 | Skólaskrifstofa Austurlands | Skólaskrifstofa Austurlands | Trúnaðargögn. 8 lokaðar öskjur. Mest árgangur 1998 (fædd það ár). Egilsstaðaskóli, Seyðisfjarðarskóli, Grunnskólinn Bakkafirð, Grunnskóli Borgarfjarðar, Vopnafjarðarskóli, Hallormsstaðaskóli, Stöðvarfjarðarskóli, Nesskóli, Reyðarfjarðarskóli, Grunnskóli Eskifjarðar, Grunnskóli Fáskrúðsfjarðar, Grunnskólinn Breiðdalshreppi, Djúpvogsskóli, Fellaskóli. |

| | | | | |
|------|----|--------------------------------------------------------------|----------------------------------------------------------|--------------------------------------------------------------------------------------------------------------------------------------------------------------------------------|
| 2015 | 26 | Vigfús Sigurðsson frá Egilsstöðum í Fljótsdal | Minjasafn Austurlands | Skjöl og bækur: Viðskiftabók við sparisjóðsdeild útbús Íslandsbanka á Seyðisfirði 1914-1925, nótnabók, handskrifuð, sálmar sungnir við jarðarför Vigfúsar og Soffíu konu hans. |
| 2015 | 24 | Vigfús Sigurðsson frá Egilsstöðum í Fljótsdal | Minjasafn Austurlands | Bækur, 15 titlar, prentað mál: Biblía útg. 1859, Búnaðarrit og fleira. |
| 2015 | 25 | Vigfús Sigurðsson frá Egilsstöðum í Fljótsdal | Minjasafn Austurlands | Bækur, 15 titlar, prentað mál: Fimmtíu passíusálmar útg. 1890, Kirkjusöngsbók eftir Jónas Helgason og fleira. |
| 2015 | 23 | Vigfús Sigurðsson frá Egilsstöðum í Fljótsdal | Minjasafn Austurlands | Ljósmyndir, eftirprentanir, teikningar og teikniblokkir. |
| 2015 | 27 | Sóknarnefnd Valþjófsstaðarsóknar | Friðrik Ingólfsson | Gjörðabók sóknarnefndar Valþjófsstaðarkirkju 1900 - 1991. |
| 2015 | 28 | Árni Halldórsson frá Tandrastöðum í Norðfirði | Minjasafn Austurlands | Ferðaáætlun Eimskipafélags 1933, Handbók fyrir kjósendur 1942, Skólasöngvar 1909, Ljóðmæli Einar Hjörleifsson 1893. |
| 2015 | 29 | Jón Árnason og Katrín Antoníusdóttir Múla í Geithellnahreppi | Kristín Rögnvaldsdóttir | Tvær myndir í stórum römmum af Jóni og Katrínu. |
| 2015 | 30 | Ólafía Dagnýsdóttir Seyðisfirði | Ari Sigurjónsson | Gömul fjölskyldumynd, fólkið óþekkt. |
| 2015 | 31 | Matthías Elíasson frá Reyðarfirði | Helga Aðalsteinsdóttir | 2 kassar með dagbókum Matthíasar Elíassonar f. 1927 d. 2013. |
| 2015 | 32 | Sigmar Ingason | Minjasafn Austurlands | Málverk af Sigvarði Benediktssyni á Hofströnd Borgarfirði eystri. Matthías Sigfússon málaði eftir ljósmynd. |
| 2015 | 33 | Kaupfélag Héraðsbúa | Stefán Scheving Einarsson | Kassi með óflokkuðu skjalasafni mest teikningar og gögn varðandi byggingar og endurbætur á húsnæði KHB 1960 - 2008. |
| 2015 | 34 | Stefán Ingvar Sveinsson | Bókasafn Seyðisfjarðar / Sólveig Sigurðardóttir | Sendibréf Stefáns I. Sveinssonar varðandi Fjarðarselsvirkjun ásamt persónulegum bréfum (meðal annars vegna lána til einstaklinga). |
| 2015 | 35 | Reynir E. Kjerúlf | Reynir E. Kjerúlf | Skjöl frá Metúsalem Kjerúlf á Hrafnkelsstöðum og Eiríki Kjerúlf í Vallholti. |
| 2015 | 36 | Samband sveitarfélaga á Austurlandi SSA | Samband sveitarfélaga á Austurlandi / Björg Björnsdóttir | 43 kassar með skjölum frá árunum u.þ.b. 1999 - 2010. |
| 2015 | 37 | Vigfús Ólafsson | Vigfús Ólafsson | Ljósmynd af konum sem voru á vörnamskeiði í Húsmæðraskólanum á Hallormsstað 1939 ásamt nafnalista. Einnig ljósmynd af nokkrum þeirra 50 árum síðar og nafnalisti. |

| | | | | |
|------|----|-----------------------------------------|----------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 2015 | 38 | Eiríkur Eiríksson frá Vífilstöðum | Jón B. Guðlaugsson | Stór mynd í ramma af Eiríki Eiríkssyni Vífilstöðum, blýantsteikning eftir ljósmynd, gerð í Kanada. Líklega teiknað af Friðriki Sveinssyni, bróður Nonna. Ýmis skjöl frá Eiríki: kaupsamningur Dagverðargerði 1876, arfleiðsluskrá 1896 og 1900, landamerki milli Vífilstaða og Dagverðargerðis 1890, kvittun fyrir meðlagi með Eiríki Sigfússyni 1901, fjárhæð (eignaskrá/bústofn) vorið 1902. |
| 2015 | 39 | Jón Kristinsson frá Keldhólum | Guðni Arthúrsson | Tvær myndir í ramma af Guðnýju og Sigríði Eiríksdætrum. |
| 2015 | 40 | Pálína Waage | Bókasafn Seyðisfjarðar / Sólveig Sigurðardóttir | Jólaortasafn Pálinu Waage 3 kassar. |
| 2015 | 41 | Eiðaskóli | Síldarminjasafn Íslands | Skólaspjald frá Eiðaskóla 1929 - 1930. |
| 2015 | 42 | Guðmundur Björnsson frá Múla Álftafirði | Guðmundur Björnsson | Skrá yfir bækur sem Guðmundur sendi til Héraðsbókasafnsins Djúpavogi (2 stílabækur) frá um 1980-2012. Smáprent og ljósrit af ættfræðiskrifum. Ljósrit af burtfararvottorði GB frá Iðnsskólanum í Reykjavík 1947 og sveinsbréfi í húsasmíði 1948. Ýmsar nýlegar og gamlar bækur og tímaritshefti. Einnig smáprent. 7 möppur með blaðaúrklippum, mest minningargreinar (safnað af Dagnýju Karlsdóttur), einnig dánarblöðungar. |
| 2015 | 43 | Össur Torfason | Össur Torfason | Ljósmyndir tengdar Sjúkrahúsinu á Egilsstöðum og Vonarlandi. Ljósmyndari: Össur Torfason. 29 litmyndir og 24 svarthvítar. |
| 2015 | 44 | Sigurbjörg Pétursdóttir | Sif Kjartansdóttir | Mynddiskur (DVD) með upptöku frá 85 ára afmæli Sigurbjargar Pétursdóttur og viðtal við hana. Hljóðdiskur (CD) með frásögn Sigurbjargar frá æskuárum hennar. |
| 2015 | 45 | Prestafélag Austurlands | Einar Þór Þorsteinsson og Sigríður Zophaníasdóttir | Gestabók fyrir dvalarviku aldraðra á Eiðum árin 1986-1999. Í bókinni er einnig listi yfir starfsfólk og þátttakendur og hópmynd öll ári nema 1999. |
| 2015 | 46 | Halldór Björgvin Eiríksson | Kristján B. Kristinsson | Skjöl úr dánarbúi Halldórs Björgvins Eiríkssonar skósmiðs í Von á Reyðarfirði og Kristínar Guðnadóttur konu hans f. 1904 d. 1987. Einnig skjöl frá fjölskyldumeðlimum: Eiríkur Eiríksson, Guðný Halldórsdóttir, Eiríkur Daníelsson, Vilborg Bjarnadóttir, Elís Sigurðsson. |
| 2015 | 47 | Jónína Ragnhildur Björgvinsdóttir | Jónína R. Björgvinsdóttir | Bréf dags. 14. 5. 1951. Bréfritari. Oddný Metúsalemsdóttir. Ljósmynd frá stofnfundi B-deildar Einherja Vopnafirði 30.7.1944. |
| 2015 | 48 | Jón Kristinsson frá Keldhólum | Sigurður Kristinsson | 7 ljósmyndir og 8 bækur úr dánarbúi Jóns Kristinssonar frá Keldhólum, síðar búsettur á Egilsstöðum. |

| | | | | |
|------|----|---------------------------------------------------------------|--------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 2015 | 49 | Geirmundur Þorsteinsson frá Sandbrekku | Erlendur Steinþórsson | Myndasafn: 1 mynd í ramma, 28 vitkort, 21 kabinettkort, 15 póstkortamyndir, 18 aðrar stærðir. Myndaalþúm, gamalt sem inniheldur 74 vitkort og 6 kabinettkort. Meiri hluti myndanna er óþekktur. Gömul skjöl; virðingar húsa í Hjaltastaðapinghá um 1940, sjóðbók fyrir Hjaltastaðahreppsumboð Brunabótafélags Íslands 1934 -1950, fundargerða- og ársreikningabók Búnaðarfélags Hjaltastaðahrepps 1897- 1926, nokkur bréf og laus blöð. |
| 2015 | 50 | Björn Kristjánsson og Magnhildur Stefánsdóttir frá Grófarseli | Petra Björnsdóttir | Myndasafn: 47 vitkort, 7 kabinettkort, 25 póstkortamyndir o.fl., 4 póstkort. |
| 2015 | 51 | Jónasi Þórarinssyni og Sveinveigu Eiríksdóttur, Hrafnabjörgum | Hrafnhildur Þórarinsdóttir og Málfríður Þórarinsdóttir | Skólaspjald frá Eiðum 1944-1945 (úr eigu Þórarins Hallgrímssonar). Gamalt alþúm frá móðurforeldrum, Jónasi Þórarinssyni og Sveinveigu Eiríksdóttur,: 56 ljósmyndir bæði vit- og kabinettkort, að mestu ómerkt. Tvær teikningar af húsum. Grunnmynd og útlitsteikning af Hrafnabjargabænum 1893-1952 og grunnmynd og útlitsteikning af húsi sem enn stendur á Hrafnabjörgum. Teikningarnar eru eftir Jónas Þórarinsson. |
| 2015 | 52 | Þórunn Elísabet Björnsdóttir | Sigríður Flosadóttir | 5 lítil alþúm, innihald þeirra er nær eingöngu áhugaljósmyndir frá Reykjavík og héðan og þaðan af landinu, m.a. frá Reyðarfirði. Ljósmyndari Þórunn Elísabet Björnsdóttir. |
| 2015 | 53 | Una Guðrún Einarsdóttir frá Vopnafirði | Kolbrún Eva Ríkharðsdóttir | Ljósmyndir afhentar til skönnunar: Skólaspjald frá Eiðaskóla 1948 - 1949, 3 myndir í ramma (þekktar), margar myndir, bæði svart-hvítar og í lit. |
| 2015 | 54 | Búnaðarfélag Breiðdæla | Guðný Harðardóttir | Gömul skjöl frá Búnaðarfélagi Breiðdæla. 2 kassar með 4 möppum og gögnum í umslögum. Mest fylgiskjöl, skýrslur og bréf 1950-1990. |
| 2015 | 55 | Brynjólfur Bergsteinsson frá Hafrafelli | Margrét Brynjólfsdóttir | Sjúkrasamlag Fellahrepps; Sjóðbók 1966 - 1972. Upplýsingar um foheld mannvirki í Fellahreppi um 1975, skráning fyrir Fasteignamat ríkisins, ljósrit af nokkrum teikningum fylgja. Teikningar af viðbyggingu við Miðvang 22, félagsmiðstöð aldraðra. Fundargögn frá sambandsstjórnarfundi Landssambands eldri borgara á Egilsstöðum 2004. Túnkort af Hafrafelli. Nokkrir ársreikningar BSA o.fl. Bréf, bæklingar og fylgiskjöl. |

| | | | | |
|------|----|--------------------------------------------|--------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 2015 | 56 | Ljósmyndasafn Austurlands | Brynhildur Vilhjálmsdóttir | 1 ljósmynd (óþekkt) sem fannst í stigagangi í Útgarði 6. |
| 2015 | 57 | Þórarinn Hávarðsson | Fljótsdalshérað | Myndefni á hörðum disk (flakkara) sem Þórarinn tók sem fréttá- og tókumaður á Austurlandi á árunum 1989 - 2005 fyrir RÚV og Stöð 2. |
| 2015 | 58 | Steinþór Eiríksson | Ásdís Jóhannsdóttir | Sýningarskrá og úrklippubók sem útbúin var til sýningar í tilefni af aldarminningu Steinþórs Eiríkssonar. |
| 2015 | 59 | Erna Kristín Elíasdóttir | Jónína Zophoníasdóttir | Þrjár svarthvítar hópmyndir af krökkum frá Egilsstöðum (eftirtökur). |
| 2015 | 60 | Margrét Sigurðardóttir, Víðvallagerði | Þorsteinn Pétursson og Ingibjörg Hjaltadóttir | Gömul bréf, skjöl og myndir frá Víðvallagerði. |
| 2015 | 61 | Grunnskóli Djúpavogs | Krústrún Gunnarsdóttir / Grunnskóli Djúpavogs | 3 kassar með bekkjaklöddum. Þeir elstu líklega frá því um miðja 20. öld. |
| 2015 | 62 | Vesturfaramiðstöð Austurlands | Cathy Josephson | Bók á rafrænu formi: Well connected - The Icelanders of Minnesota. Höfundur Patricia Allred, 2014. Einnig ýmis skjöl og ljósmyndir frá Cathy varðandi vesturfara. |
| 2015 | 63 | Suður-Múlasýsla | Guðmundur Sveinsson | Fiskiskipaskrá Suður-Múlasýslu 1903-1943. Fiskiskipaskrá Suður-Múlasýslu 1943-. Skönnun geymd rafrænt. |
| 2015 | 64 | Jón Péturssonar héraðsdýralæknir | Jón Péturssonar fyrrverandi héraðsdýralæknir | Ýmis skjöl úr fórum Jóns Péturssonar sem var héraðsdýralæknir á Austurlandi. |
| 2015 | 65 | Sigurður Vigfússon | Þjóðminjasafn Íslands / Inga Lára Baldvinsdóttir | Skönnun af filmum og glerplötum frá Sigurði Vigfússyni, syni Vigúsar á Egilsstöðum. Afhent á geisladiski (CD). Að mestu leyti af Reykjavíkursvæðinu, af ferðalögum, húsbyggingum og hafnargerð. |
| 2015 | 66 | Framfarafélag Fljótsdalshéraðs | Philip Vogler | Gögn varðandi undirbúning að stígagerð umhverfis Lagarfljót frá 1996 - 2011. Þrjú kort úr seríu sem var skilað inn 2014. |
| 2015 | 67 | Hallormsstaðaskóli | Fljótsdalshérað / Helga Guðmundsdóttir fræðslufulltrúi | Gögn úr Hallormsstaðaskóla sótt sumarið 2015. Var óflokkað og ófrágengið. Fundargerðabækur, prófabækur, fundargögn, bréf, fjárhagsgögn, starfsmannagögn, nemendagögn, náms- og kennslugögn, gögn foreldrafélags, skólablöð, gögn um samstarfs- og þróunarverkefni, gögn um byggingar og húsnæði, hljóð- og myndefni. |
| 2015 | 68 | Sigrún Einarsdóttir Miðhúsum | Edda Björnsdóttir | 10 ljósmyndir, allar þekktar |
| 2015 | 69 | Guðrún Lára Ásgeirsdóttir | Guðrún Lára Ásgeirsdóttir | Stækkuð litmynd, eftirtaka. Myndin sýnir 6 konur staddar í Húsmæðraskólanum á Hallormsstað haustið 1963, allar þekktar. |
| 2015 | 70 | Svavar Stefánsson, mjólkurbússtjóri | Ingunn Svavarsdóttir | Minnislykill með myndum úr safni Svavars Stefánssonar. |
| 2015 | 71 | Baldur Böðvarsson og Hólmfríður Jónsdóttir | Hrafn Baldursson | Nokkrir filmubútar og gögn úr dánarbúi. |

| | | | | |
|------|----|----------------------------------------------|--------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 2015 | 72 | Helgi Gíslason Hrappsstöðum Vopnafirði | Hallgrímur Helgason | Skjöl sem tengjast starfi Helga Gíslasonar sem trúnaðarmaður Búnaðarsambands Austurlands. Jarðabótaskýrslur, forðagæsluskýrslur, minnisbækur o.fl. |
| 2015 | 73 | Hallgrímur Helgason og systkini | Hallgrímur Helgason | Fjórar litlar öskjur af gömlum myndum úr fjölskyldusafni sendar til skönnunar og skoðunar. Talsvert af þekktum/merktum myndum. Myndir sem ekki eru til í Ljósmyndasafni skannaðar og frummyndir sendar aftur til Hallgríms. |
| 2015 | 74 | Sigurjón Bjarnason | Sigurjón Bjarnason | Að vaka og vinna. Ýmislegt af Hænuvíkurhjónum Ólafíu Magnúsdóttur og Sigurbirni Guðjónssyni ásamt niðjatali. Bók gefin út í tilefni ættarmóts afkomenda, haldið á Patreksfirði 24.-26. júlí 2015. |
| 2015 | 75 | Ragnheiður Ragnarsdóttir | Ragnheiður Ragnarsdóttir | Listi yfir símhringingar á alla bæi sem tengdust símstöðinni á Fossvöllum. |
| 2015 | 76 | Guðný Einarsdóttir frá Kirkjubæ | Gunnlaugur V. Snævarr | Útfararminning Guðnýjar Einarsdóttur, prestskonu frá Kirkjubæ í Hróarstungu. Prentað smárit útg. 1885. |
| 2015 | 77 | Dansfélagið Fiðrildin | Jón Atli Gunnlaugsson | Gögn frá dansfélagi sem var stofnað 1975 og lagt niður 2015. 3 gjörðabækur undir nöfnunum: Gömludansaklúbburinn Fiðrildin 1975-1987, Dansfélagið Fiðrildin: 1989-2015. Einnig félagalistar, bankayfirlitum, lög, fundarboð, bréf, skýrslur, félagsskírteini, dagskrár, bæklingar um danssýningar og grein um 40 ára starfsemi félagsins. |
| 2015 | 78 | Vigdís Björnsdóttir, Eskifirði | Edda Björnsdóttir | Myndasafn úr dánarbúi foreldra Eddu, Vigdísar Björnsdóttur og Björns Þorkelssonar Eskifirði. Myndasafnið hefur að geyma myndir vinum og ættingjum þeirra hjóna. Einnig augnabliks myndir frá ýmsum tíma og póstkort sem tengjast Eskifirði. Nær allar myndirnar eru merktar. |
| 2015 | 79 | Gunnlaugur Jónsson Snædal, Eiríksstöðum | Jón G. Snædal | Dagbók sem Gunnlaugur skrifaði frá 1. janúar 1874 fram í miðjan júní 1875 og af og til eftir það fram í janúar 1878. Í bókina skrifar hann meðal annars um áhrif öskufalls í kjölfar eldgossins í Öskju 1875. Fremst í bókinni eru færslur ritaðar af Jóni Jónssyni, eldri bróður Gunnlaugs, sem fæddist 1837 en lést 36 ára gamall. Gunnlaugur tók við bókinni eftir lát hans. |
| 2015 | 80 | Minjasafn Austurlands | Minjasafn Austurlands | 7 ljósmyndir frá Húsmæðraskólanum á Hallormsstað, mest af handavinnu. Eftirtökur límdar á spjöld, líklega frá ljósmyndasýningu í tilefni af 50 og 70 ára afmæli skólans. |